

撼山
堂遺稿
少



同治五年秋仲
道州何紹基題

郴州陳翁心天下士也才高志
壽於學無所不窺其仲弟
松心天姿少遊亦能統玄流俗
身終自難兄相頡頏道光乙
酉余來湘應鄉試時祁春滿

城山草堂遺藁 序

相國為學使所錄拔貢生稱
最得人余多獲締交而於翁
心至款洽壬辰北闈余甫至
都為心即來迎與勞辛皆同
下榻於所居寓齋 辛巳時

乃慮常日作官款賦余好為
詩與黃香鐵張亨父張淵
甫湯海秋諸君時者唱和
為心行不遇而偶一談及所取
悔而忘六朝至感唐而止余

見其統不第造時之規之輒嘆
曰始待之何如余入詞館後所
為待益多苟心更不一謬遂及
而虞其驟死也慙夫今松心
之子善輝為瀏陽學官占

乃心之子善埋錄而翁之詩
見亦皆刪除之塵存者蓋
松心亦以被賊劫而屈統粒死
已八年矣烏乎而君皆買經
此中鬱不得竟其用

松心於道光十三年條上禦袍
計柳得無事後強度皇
匪將器作南宮十三篇只條
畫守柳亭宜數十事柳人
賴乞率之毅魄凜然死可

不朽翁心官吏部郎先公時
為少宰都中捐賑章程看
准各鄉以候補人欠准指免
保舉作為儘先一條為心上
書數千言謂儘先可捐則正

途畫化為指班而傷政體以
已途亦以儘先不能得缺也
先公躋之逆方之較議其
持正不阿類如此至余與翁心
切礪之誼在謬妄文字之外者

所謂相視而笑莫逆於心二十
餘年如一日兩君雖工吟詠
持論過高存者純少既寫
看定本又得羅研生王士秋
覆審付梓雖寔以敬卷而

懷抱之奇志慮之遠古可
覘其大凡矣竊心天性慧純
松心以樸曠然松心難以朋
終身迹不遠沙死入忠義祀
是為有可傳程詩之外者為

心由甲科通籍京居時氣益
傳輩交游偏天下所待止
於丁丑時力逾弱冠耳後遂不
得一字與乃選稿散軼其
子弟束及蒐輯耶抑其集考

仙佛家言果有長不死者在
耶吾不得而知之矣

同治元年秋上瀟何紹基
題於長沙化龍池腐齋



撼山草堂遺藁序

蒙季弱冠始與外人交接
而柳人士為最先其與外
人談論詩古文辭亦
松心明經曩仲為最先猶
憶道光乙酉秋賦君與

哲兄筠心考功寓南城吾
邑黎月喬侍御桂陽何積
之吉士旅寓皆相埒近日
得數二見其年考功占侍
御中第玄越三載吉士又
中雋去其後得於大比時

相與作絮談者惟君與余
君嘗歎曰來非求舉也固
一見交用而已迨歲癸卯
余遊郴假館州署拜見
尊甫丈人則考功已歸道
山塵淥與君息季子葵

二

心相見于時天寒歲暮風
雪淒厲人事牽役語不盡
意然其間曠隔者已七八
年而君之半采意致不
殊曩昔私計後會方賒不
謂更歷十季不得再見及

咸豐乙卯初冬余甫至南
康軍營而君之忌耗至矣
君之為詩初經考功指授
取徑幽迴不甚涉唐宋諸
家不為牽率酬應亦不事
修飾邊幅往二孤吟間寄

三


自寫懷抱如蟬咽露枝鳥
歌春林天機自動不可言
詮見者認其取法漢魏夫
矜尚漢魏正詩家一病摹
擬廓落真合神雅按諸中
藏楞然無有即其慧穎也

新慙遠可誦
友馬首絡耳
若君所為詩
恁悵激婉性
情萬玉初非
皮傅古人比
也然君困諸
生數十季不
獲見用於時
老遭世變出
力捍衛州里
至於臨雉不

四

辱志行卓犖
一執之傳云
乎哉尹有四
丈夫子皆名
在庠序長次
兩君已登仕
籍今謀梓遺
詩奉之惟恐
失墜益以見
孝友之貽於
來裔者遠而
善人之有後

也敘 君詩良用欣懌云
同治建元歲在壬戌夏五
月湘潭羅汝懷書於長沙
又一邨之寄雲山館



陳訓導起書傳

湖南忠義錄彙

陳起書字通甫號松心郴州人祖昭謀乾隆癸卯舉人
官知縣父振玉嘉慶庚申舉人祀鄉賢起書少負遠志
與桂東李克鈿希濂桂陽何慶元積之邵陽魏源默深
相友善從兄吏部郎起詩學爲詩文辭講經世學旣困
諸生中絕意進取久之以年例貢成均注選訓導道光
十三年逆猺趙金隴作亂起書條呈禦猺計郴牧姚華
佐多採其策郴得無事嗣愈畱心世務知粵之爲患必

撼山草堂遺藁

傳

一

先作南言十三篇以爲東南險要惟郴桂最切及粵西
事起起書謂人曰廣西一隅地逆匪不能久居不竄楚
將安往竄楚則大軍必駐衡州而首受賊蹂躪者則郴
桂也條畫守郴事宜數十事上之州牧不能用乃與同
志鄧啓元等於觀音寨大頭隴築堡修牆爲堅壁計未
幾賊果舍西道繞甯遠桂郡陷郴土匪蠡起到處劫掠
聞此地有備乃引去當是時附近居民相率守險數十
里中得相保聚皆起書導之明年土寇邱倡道妖言惑

眾潛逆稱尊煽導勾結人心騷動當事以實入告發兵
勦捕未卽得起書授計次子善墀泉戚張樹榮兄弟乙
卯二月誘邱逆生擒之并獲頭目黃中鳳起書曰內患
雖除外患猶未已也四月粵匪何祿圍韶州進犯楚界
委員趙啓玉率平江勇力戰死之宜章隨陷五月晦賊
由便道陷郴其來路皆南言所籌及人服其先見起書
既團練鄉人保衛北鄉之觀音灘沿江一帶賊不敢犯
而親戚之在東鄉者馳書邀起書往爲相度部署起書

撼山草堂遺藁

傳

二

將行或尼之曰東鄉土匪正熾從賊者多殆難爲也起
書曰北鄉團練已固聞王璞山將由衡援郴必從西北
進勦南路已函致陳子善溶由崙崕嶺會合團勇堵禦
儻得東鄉團練據險而守則此賊可計日殲耳遂遣善
墀往耒陽迎王鑫軍而身往東鄉行抵塘溪方與黃如
岱等謀聯絡猺嶺據山拒賊而土匪已覺遽導賊眾圍
之村人盡亾賊初擁起書上坐謂之曰見萬夫長何祿
奉陳金剛卽南興王位正資通達士佐軍如某某者皆

君同學已大用矣母自外也起書斥之賊謂俟何祿至以繩縛其手日夕環守起書憤甚絕粒以死時八月七日也年五十八賊退子善埴殮之善奎善墀善堪繼至葬之會仙嶺有司上其事奉

旨照訓導陣亡例賜卹襲雲騎尉祀忠孝祠所著詩文橐若干卷藏於家善奎沅江儒學教諭陞任婺源知縣加同知銜善墀瀏陽儒學教諭加五品銜善堪諸生善埴候選訓導

撼山草堂遺橐

傳

三

松心仁兄親家左右秋垣世兄來高郵奉到手言并大
集四本快讀數日茅塞頓開子由造就已過子瞻而五
言古詩高古處直徧漢魏 本朝實在三數人間已錄
其所愛者爲一冊存之案頭以當晤對其原集交世兄
攜還以防散佚弟近亦收拾文集惜道遠不能就正今
有所欲言者竊謂詩集宜分體不必編年三百篇其大
例也況山林間適非如杜韓蘇諸公出處關係史事何
必各體雜陳徒迷讀者之目且集中精華全在五古故

撼山草堂遺藁

序

一

選以冠首詩以言志取達性情爲上擬古太多則蹈明
七子習氣古人如陶阮陳杜皆抒胸臆獨有千古太白
青田樂府一時借古題以述時事東坡和陶借古韻以
寄性情字字皆自己之詩與明七子優孟學語有天淵
之別此詩家真僞關不可濫借集中擬古次古韻諸題
美者固多終恐掩瑜之累竊望刪之又集中詠懷詩多
山水詩少離別詩多關係詩少蜀山之高滄海之闊以
至桂林陽朔奇秀甲天下一葉扁舟溯洄其間何患清

妙之氣不勃勃腕下又如鄉俗之瀟漓年荒錢荒之得失近來楚粵兵事之瑣尾作歌志哀以備采風何患律詩不與杜陵媲美昔人時非天寶位非拾遺之謂謂泛論朝政出位言高非謂家鄉切慮民風謠俗亦在所禁試問國風采自何人耶近年想有感時之作無妨附入尊兄雲翁詩選入沅湘集者將贈弟之作一湘潭次白馬王彪韻一次謝惠連韻皆刪去雲翁詩甚少又無嵒集望將此二詩附刻於尊集次兄韻之下則兩全其美

城山草堂遺藁

序

二

矣廿載至交千里一紙不敢以寒暄套語塞責謹以代晤惟簪而教之是幸姻愚弟魏源頓首

詩不立漢魏猶嬰姪在抱而失其父母也欲成人實難
詩不離漢魏如男子甯而日奠倚於父母之懷也謂之
成人可乎古之深於詩者深性情者也性情深矣而蓄
以學而蘊其時汰其事不得已而鳴於詩其思也危其
知也微其爲詩也哀矣是故有漢魏之性情然後有漢
魏之詩夫松心之自以爲爲詩也漢魏乎松心乎嗟乎
以吾儕而論詩如嬰姪失其父母者罔不覬松心有性
情而適有不得已之時與事以鳴於詩以鳴其漢魏之

撼山草堂遺藁

序

三

詩可謂能立矣立者立之也能立而后能離吾望松心
之眞立之也道光十年春雲心之官入都松心附其詩
質海秋吾因得以並質焉昔正月旣望春泉弟廖宗湘

余弱冠聽兄雲心講詩心慕之終日吟哦數年方得百
首兄戒以勿作詩乃棄去強學帖括邯鄲之步終遲遲
也補弟子員後聽希蓮講先儒書心慕之既而聞積之
講古文心慕之既而聞默深講經濟心慕之百舌之鳥
其聲不揚百足之蟲其行必鈍不專故也忽忽二十餘
年諸友遠別死別孑然獨居辛卯旱饑壬辰徭變時詳
詢鄉里情形條陳公事隨即棄忘十應鄉試歸舟或有
所作漸積成帙乃合鈔少時詩本寄兄刪削焉昔賈誼
撼山草堂遺藁

自序

四

爲長沙王傅亦已達矣猶作賦焉漁唱樵歌何不可者
春有雇工秋有促織已無雇工已無促織而喚人雇工
喚人促織誰爲聽者誰爲信者何以朝夕不停也其爲
鳥也可以爲蟲也可以爲賞心也可以爲聒耳也可
道光歲在乙未冬至郴州陳起書自序於撼山草堂

撼山草堂遺彙目錄

郴州陳起書通甫

五言古詩

湘潭別兄雲心

別詩贈兄雲心 二首

懷人

將歸作 二首

江上雜詩 三首

撼山草堂遺彙 目錄

愁思

別詩

相逢行

平居

別詩 四首

寄湯海秋禮部 二首

過狹柳旺

夜過竹篙嶺

雜詩 五首

歸舟雜詩 二首

湖上觀雨

雜詩

和陶歸田園居韻

湘潭登白雲峯

夢別

粵山獨住寄弟柏心粵中

撼山草堂遺橐

目錄

游會仙山

聞琴

雜詩 四首

擬古 二首

湖上卽目

古風 三首

山中獨吟

題李希蓮橐

新霽

和弟柏心催租吏詩

別詩 三首

和陶飲酒 七首

丁丑先兄筠心送余婚於湘潭別時用曹植贈白

馬王彪韻作詩以贈忽忽二十六年兄見棄已

暮服除日追次原韻哭而奠之 存四首

附原作 存三首

臧山草堂遺藁

目錄

三

哭兄雲心用陶悲從弟仲德韻

樂府七言古詩

兵民謠

夜夜曲

擬望遠曲

江南弄寄何積之

楊白花

擬空城雀

行路難

七首

荅友

鷓子巖大風

岳陽樓

夜行耒陽山中

醴陵李少尉祠爲楊劍樵作

懷古

何積之送予風溪不及題詩旅店以示

撼山草堂遺藁

目錄

四

湘江夜泊

五七言近體

送廖春泉北上

二一首

柳州灘

荅黃震甫

潭州畱別黎月喬徐石泉羅研生

四首

野泊有感

甲午夏日感事

四首

寄兄雲心 二首

題寄兄雲心信後

和黃正夫野宿英德城外用東坡除夕宿常州城

外韻 二首

擬從軍行 三首

登樓

新秋懷兄筠心 二首

秋雨懷兄筠心

臧山草堂遺藁 目錄

五

瓦市送兄雲心北上

與塔鄧承夫論平吳逆事

賊放州牧出招降路遇有感寄張永言

由觀音寨移避大頭隴寄弟葵心長沙

思歸

避地山中送人歸粵

鄉勇

避兵寄內弟翁雲台

八月十二歸家紀事寄弟葵心長沙

賊退有感示弟葵心

歸家卽事寄黃誠齋

歸家與友人夜話

感事四首

補錄

追次先兄用曹植次白馬王彪韻二首

附原作

撼山草堂遺臺

目錄

六

途中聞鴈

粵西賊竄永州

壬子七月初三賊陷郴城逃難九里山寄弟葵心

撼山草堂遺藁卷一

郴州陳起書通甫

五言古詩

湘潭別兄雲心

雙鳥辭故山來向衡陽飛天寒夜悲鳴及此當乖離
離家遠行役葉落辭其枝賴有平生親可以慰中懷胡爲
見遐棄獨尋向路歸君歸奉庭闈子獨泣路歧浮雲異
鄉縣執手乃在茲人生天地初游魚出深池氣化日以
撼山草堂遺藁

卷一

一

薄年命日以衰冥冥無所終悠悠復何思

別詩贈兄筠心

白雲初出山意已千萬里豈無懷離思道遠情未已前
途爲霖雨後顧戀桑梓亦知寸心私不敵萬方喜乾坤
有端倪龍蛇慎所徙

片帆入飄風欲往復展轉道逢波濤起吹爾之四遠人
生觀古今豈能定舒卷安危非淺深機來不可選努力
爲驅馳險塗更黽勉

懷人

蒼然集瀟湘天地秋已半時來夏會多談笑交情貫落
木警素心明月崇清玩逝者如流水歡樂常苦晏聚時
一浮雲風來百凌亂我心與君歸忽如風吹雁知已有
離居寥空爲長嘆

將歸作

久雨喜驟晴久客喜驟歸登舟已如家恍惚見庭幃遙
指來時路疑是復疑非千里始一程一夕千萬悲來時

臧山草堂遺藁

卷一

二

行苦速歸日行苦遲天心與人意每每相參差距家路
百里易舟始能至來時此小舟重認別時淚猶恐載我
出夜半心驚悸道逢往來人鄉音喜漸似

日落眾鳥昏山寒百蟲闕歲時感物理田園遂初志浩
浩吾儕侶莫窮深邃撫琴寒澗西一音納萬吹雖無
沈淪趣冀得清靜意謳吟招隱詩慙愧古人義江湖足
風波車馬有顛墜

江上雜詩

空江夜汎舟聽風生茂林鳥散何處落孤飛煙雨深故鄉
鄉一千里慨此波濤音恂悅家舍近空際遙聞砧聲音
無間隔遠遠來侵尋更慮游子悲往觸慈幃心疑是復
悟非有酒且酌斟

江轉地漸移遠樹入煙霧不知故鄉山舍我何處去同
來三兩舟前後屢異路中道恐相失時時爲回顧舟子
喜且歌行速神如助人速誰我援我速逼人慮聽此爲
傷悲去年滯茲渡

撼山草堂遺藁

卷一

三

潛魚習深池不愛江海水一朝雨大至竄入瀟湘裏浮
萍魴與鱖爾汝夜相語亦是故鄉親根本同原委客途
無貴賤客衣無朱紫失水皆不生得水皆不死秦越亦
何常明當別此淚

愁思

愁來不可抑步出天寥泚杖策莽攀追遑然五情熱欲
拔扶桑枝更種虞淵穴跛鼈有三足精衛有八翼幸成
骨拄山不成背裂血援琴和悲歌嘯傲亦嗚咽舊廬雙

飛燕棲息愛門闌巢卵猶可懷江湖多雨重

別詩

葉愁秋霜早蟬畏西風涼蟬吟葉復下一別徒相望黃
葉語秋蟬願君莫我忘勿云別時苦良會在三陽會時
意纏綿別時心悲傷

相逢行

南北相代飛燕往雁則還我當離家去君當歸故關時
因西風起相逢雲路間天地集一時蒼莽且盤桓舍此
撼山草堂遺藁卷一
四
安可知但有千萬山不惜魂夢疲當思夢見難離舍何
窮極識此容與顏同有雙飛翼何不共飛翻

平居

平居愛看山惟恐年歲晚望遠峯必高探幽竒在巖力
緣常習勇情因有得懇觀前宜顧後失足勢難反不涉
崎嶇境焉知夷途蹇

別詩

困獸不思走倦鳥自惡飛離家日已久秋風逝初歸復

爲飢驅去倏忽成分離感今積新愁思昔獲餘悲未行
苦道遠方出念歸遲父母顏悽惻弱弟牽衣曉小時不
識別但慕相娛嬉安知長成日行與斯路追一聞桓山
奏涕下不可揮

楚江秋雨多曉煙蔽朝曦屋廬入冥濛將別已迷離送
者各有親治生亦復爲世道知艱難欲語故無辭浩浩
東流水古來任所之出山濁與清山中人豈知努力爲
稻粱吾族方寒饑固窮語則迂慣遊心苦思

撼山草堂遺藁

卷一

五

旣飽離恨端復存疾患遠遊途已干臥疴秋將半旅
館羈夢魂懷人遊汗漫臨流愧塵顏淒然對寒澗
曰歸歲云莫落日登城樓遠山望不極惟見長江浮江
中有歸帆嗟爾爲遠遊飛蓬汝之根悲風汝之儔旣無
妻孥緣豈有租稅糾息肩樂何如長歌亦休休

寄湯海秋禮部

喬松無卑棲蒼蒼託炯霜葉密蔭自深垓北被百昌始
知天地心葛藟亦無荒空谷幽蘭花榮滋豈見忘擷摛

非可期荆棘自當防女蘿語免絲苔莎訶馨香婀娜爾
不知甯復知棟梁

孤燕池塘飛銜泥爲門戶生與鳩雀羣智勇限毛羽忽
聞天北雁南鳴過湘浦豈無千里風身微力難舉以此
悽然悲上下千萬古賢哲有知否契合多艱苦吾世有
斯人天地非莽鹵

過狹柳旺

江轉水倒流月行似向東但知家在後回望雲濛濛意
撼山草堂遺藁

卷一

六

欲從此去徑複昧所從日向多迷途夜歸焉得蹤

夜過竹篙嶺

西行追殘陽復趁彎月影月斜逐日沈昏黑客心警歸
心且擱置暫息卽爲幸夜猿驚已啼旅舍知隔嶺

雜詩五首

江心莫種樹石上莫養魚族類見利遷非類甯莫娛守
辱勝希榮苦茗勝甘茶嗜慾角巧詐智多反成愚哀彼
塵鞅溺傷茲川澤汙

凌雪不入粵瘴厲不至燕地氣有南北人事多涼炎一
時悞苟得心機窮天淵井水豈可冰電火豈可燃置心
無用塗空負青春年
短筇不自立人立反須筇心速行乃遲智多力不從茫
茫大塊間爲類萬不同鹿壽一千年螻蛄不知冬松柏
參青雲黃楊厄閏中陽和既有私天心非至公我才豈
無用安心守固窮

羣鳥得氣先胡中羅者慕矰繳徧人寰欲集少嘉樹有

撼山草堂遺藁

卷一

七

羽尙難飛天空不可去我想黃石公深心圯上遇河清
知易俟華髮悲已素若無藏書人此情終成痼

樵夫厭住山漁父厭住水漁樵各異地自信得所美捨
己慕他人一日千萬徙大地路無涯終身行幾里

歸舟雜詩

曉見曉鳥翔暮見暮鴉集烏鴉爾何爲同我無休息將
衝逆風翔羽翼苦無力鳥行畏網羅人行畏荆棘樹爲
爾故鄉我鄉五嶺側

瞽者不忌視聾者不忌聽心藏視聽根美惡時見形前
引與後逼遠遊無歸程不如滅視聽心性乃可清尺蠖
生見屈求伸豈長伸泊舟坐待風何用挽長繩笑彼不
平鳴隨風似簷鈴

湖上觀雨

雷聲歸西山冥雨湖心斷五蓋雨三峰矗立出天半雲
挾石竝騰虹與電爭粲確急溪流喧葉舞鴉飛亂爽然
毛髮清朗若昏黑日觀變得剝復體物識聚散遠船行
撼山草堂遺藁

卷一

八

與歸千帆過高峴

雜詩

葉茂方藏鴉山深乃隱麝牆頭草易枯臨風花先謝虎
狼行以日狐鼠行以夜豈能擇賢愚但求救饑餓百密
而一疎乘隙從其罅古人重和光時艱真無奈

和陶歸田園居韻

貴別有離憂賤歸得清娛有兄棄官歸不久入邛壚既
已返鄉園胡爲舍舊居寒蟬唧唧鳴遺蛻挂朽株未知

哀咽心化去將焉如年歲何窮極順時良有餘可知死
無恨要求生不虛來從虛無來歸亦向虛無

湘潭登白雲峯

故鄉不可懷登高望無極茲峯多白雲陟降趁日月斷
蓬落更颺野火燃還滅山空鳥飛遲江曲帆影沒秋風
吹蛩聲千里變華髮明朝理孤舟去路秋雁識

夢別

在夢仍作別別景不可狀醒時寄書歸恐君復悽愴強

撼山草堂遺藁

卷一

九

言四時樂且和三秋唱南雁夜可聽白雲朝莫望猿宿
細雨中魚來滄波上含愁獨淒淒江花見孤放

粵山獨住寄弟柏心粵中

山遠路無窮踟躕日將夕明見峯頂道了了秀松不廿
策行漸高力倦徑復窄下視深潭空沈沈漾影黑欲踏
飛鳥背迴凌星辰側奇境不可居獨客心悚栗勝游竟
何補歸與練精魄

游會仙山

山險草徑迷晨起登絕巘深林逢歸樵方知路千轉一
水雲際來橋空續崖斷霧起松翠滋日斜東風遠

聞琴

松風與竹露清靜發幽響復如空山雨聲在芭蕉上遠
聞鳴鶴來何處孤鴻往隔溪明月下七絃天籟爽塵心
一爲清海山獨遐想

雜詩

荆軻入西秦壯志亦足悲一身知不保何用黃金爲丈
撼山草堂遺臺

卷一

十

夫饑凍死此事原非奇安危無定形術精豈豫知人生
憂患中無爲受恩私俯首酬所知含鞿任驅馳盡忠理
則達非忠甯可思

貪廉可隨泉問君性安在風塵渝素心豈但形容改少
貴譽積山老賤毀填海心長意難消渴至飲誰待地氣
有清濁汙水豈特水

學樵莫學漁住山休住澤見險步易平忘深事豈測茫
茫眾流中來去迷所適由網非由魚繫碇難繫席慎術

乞口腹何況乞顏色

憂愁來何方不自知端倪我心天地靜萬籟無停時貧
與絕交媒賤與受辱期百行未一舉眾意已萬疑豺虎
伏深山焉得遂遁棲物情能孤適嗟我難獨飛

擬古

昔人作紙鳶意欲逞遠志目空華嶽低身已雲霄置隨
風上無極回頭忘顛墜謂能歷九州誰知多淹滯哀哉
一絲纏難縱千里翅

撼山草堂遺藁

卷一

十一

西旅貢獒犬魯人祀鷄鵬荆山砥礪石秦刻李斯書見
狎奇亦庸混跡智成愚居高易得眾處下誰爲徒毀譽
因得失耳目隨榮枯蘭芷生深山亦同蔓草鋤

湖上卽目

濃雲飛渡江雨作山漫漫湖心橫長虹陰雷遠驚散溪
流清濁雜峯影明晦半柳風洗輕棉葉露滴珠串陰陽
氣戰爭物聲潛避散清和滌塵氛真性明昧且華空雨
相忘冥然對香案

古風

溜渥自惡白飛蛾自惡燈芝蘭荆棘繞嘉禾稊稗生雖
不形已短亦疑人見憎眾蚊可成雷眾濁難獨清美少
惡常多天心非至明從違皆不可何以保堅貞

人生若空煙隨風爲聚散風起合雲霞風落悲凌亂飄
揚向天涯無依空悼歎物遠人所希人遠世所謾莫待
遠始歸能歸功亦半

蠶絲不自衣牛耕不自食汲汲終日謀非爲衣食力縱

撼山草堂遺藁

卷一

三

心窮嗜好歆羨快苟得口體生性蠢耳目成心賊不待
機寒憂遂如危亾疾大海會百川朝夕無休息未覺增
廣深吞納何終極慮多智易窮形苦神難逸智力互相
煎此身究何益

山中獨吟

返照明東嶺遠露十三峰渡江萬片雲飛擁三五松細
泉靜中聞水碓遠自春意愜似習默神靈思可通境幽
躁心定禪和在秋蟲何須好月來此夕自冲融

題李希蓮稿

知音既不容知心良獨難胡爲空谷裏終日抱琴彈將
心寄素絲意欲瀝胸肝箏琶悅眾耳聽亂焉能干亭亭
梧桐樹生在翠雲巒哀哉古之人琢之似龍蟠可惜有
用材置之無用端

新霽

新霽如新沐身爽覺心泰湖煙靜成霞山嵐動多態水
木湛清風芙蓉秀如繪閒泛漁舟行江天了可界宿鳥
撼山草堂遺藁

卷一

三

驚槩飛冲雲出天外無意聽往還隨流下石灘
和弟柏心催租吏詩

暫忍今日饑明當補以食補食亦未晚憐汝今菜色嶺
南兵火熾官民蕭條極兵饑索民粟民饑僅微息正供
及兵米羽書督如織病國與病民緩急心眩惑抗租與
剝膚失一誰曲直復恐兵敗後民家爲寇逼勢窮官無
計時危民無力春耕收秋稅我豈不記憶速供爾家破
不供生難得應宜舍創病爾無徒啾唧愧無兩全方淚

滴口默默輸將唯恐後是爾知報國我雖催租人受之
心悽惻

別詩

仙鶴不同巢隔山亦求友聚久情自長聲同意漸厚朝
聚夕分飛但求心不負當其鳴和時豈不慕悠久不見
南山鳩雨且逐其婦何況偶然合便思保厥後

駑駘與長驥相逢太行山聞嘶各悲鳴似是知心言爾
意愁鞭捶終身困車轅我有追風足亦難升雲煙世無

撼山草堂遺藁

卷一

古

知己人涕下如流泉強弱力則殊各自道其艱雖非同
匹儔三載行比肩一朝作別去回顧淚滿前

秋有不凋葉春無不落葉落花葉落自歸根花落飛天涯春
風不久長黃土與白沙花開行人賞花落行人嗟時感
見賞心勿令嗟歎加試聽朝夕啼哀哀頭白鴉

和陶飲酒

丙子先兄雲心教子學詩作和陶飲酒癸卯讀
兄稿追和其韻兼寄弟相心

故人經年別今朝忽然至初會又相離離筵顏易醉恩
遽傷聚散蒼忙言失次兩貧難相贈兩賤難相貴惟有
酒一樽與君領眞味

茅屋伴深山梧桐繞荒宅呼兒毀鳩巢恐畱鴉鳥跡種
樹待鳳凰相望年半百西風葉亂飛鬢絲漸成白痛飲
夜復朝樹木心可惜

有兄耽詩書心醉史與經素志抱澄清自謂將有成雅
尚惟溺古俗情少所更榛苓藪荒圃荆棘樹階庭胡爲

撼山草堂遺藁

卷一

五

驚人夢荒雞中夜鳴以此見棄歸空復悸我情

君身如明月君情如清風白麻生不辰同刈於蓬中烏
雖得氣先機心何能通天寬任爾飛終難避良弓

棄官歸舊居骨肉情始得人生瓦上霜天道眞可惑芝
蘭向秋萎時序正閉塞大化終須盡心猶在家國眞宰
醉不醒我心從此默

弱弟辭鄉園負米去學仕聞有種菽田聊以娛一己眾
醉誠可念獨醒心內耻在家思游覽出門思田里崎嶇

慎舉足山川險宜紀宦途歧中歧至善止知止濟川泛
巨舟槩櫓以爲恃

儀狄善造酒酒性自有真十年養其精醞釀方得醇我
行與世乖守舊難從新意欲舍之去視若越與秦又恐
秋風起千里揚沙塵舉杯勸過客誰知意殷勤同生天
地間皆如我周親忘我失其步憂我迷其津感茲日醉
酒漉酒忽用巾誰醒復誰醉用示送酒人

丁丑先兄雲心送余婚於湘潭別時用曹植贈白

撼山草堂遺藁

卷一

六

馬王彪韻作詩以贈忽忽二十六年兄見棄已
暮服除日追次原韻哭而奠之

存四首

生命會有盡令名壽無疆哀我比翼鳥鳳凰鳴朝陽曩
別今猶愴攜手悲河梁昔猶會日賒今真別路長同生
吾獨存顧影心悲傷

送子適京師闔家心煩紆阿月昔穉頑今與粵人居我
畱視晨昏膝下幼弟俱茫茫生死路慟哭在中衢有弟
吾扶將兄沒長我疎遠道復泉壤兩弟爲踟躕

鯤魚化大鵬高飛凌入極一意朝玉京徘徊天門側浮
雲蔽朝陽光景久潛匿憑高下飛矢中此孤飛翼折翅
墜九淵慟心安能食氣盡長鳴聲聞者咸歎息

春榮變秋謝氣運何能違旅燕本寄巢胡不早旋歸南
雁避雪霜先知是我師恃此松柏質而忘時漸衰吾言
兄不從含淚以哀悲

附原作 存二首

爲別時無幾思君此何極適逢故山雲乃在衡山側

撼山草堂遺藁

卷一

七

我欲搏龜兔雄雌草閒匿挾彈張罽羅恐驚雙飛翼
蛩蛩相伴游失一不能食廣野夜鳴悲歸來長太息
長爾非一日吾言汝不違茲別復何云不如早旋歸
他鄉胡不樂能求有餘師勿以及時歡忘此時盛衰
人生如草木朝露畏日晞援琴爲商音古歡猶可追
語女還自傷愴惻我心悲

夙昔同袍友片語祛吾疑謂子欲欺人其實以自欺
汝行世累輕要當自檢持倉卒爲一別萬慮及茲時

君子葆松柏同念歲寒期時若在我傍勿云從此辭
哭兄雲心用陶悲從弟仲德韻

天心何所哀秋露作淚零胡爲不長春此理真渺冥我
心悲爲誰銜哀念同生事業未能就中年爾先傾物聞
成易毀深歎毀難成二子幼無知嘻笑纔數齡忍使雙
白髮淒涼作哭聲恍惚聞步履踉蹌至中庭出門無所
覩入室有餘情瞑目見其影舉頭終無形誰能測大化
生滅識虛盈

撼山草堂遺藁

卷一

文

撼山草堂遺橐卷二

郴州陳起書通甫

樂府七言古詩

兵民謠

農民納糧官兵喫糧官侵兵糧兵侵民糧解一縣報徭兵

官調官兵多糧少兵團練民兵解二已索行糧又索軍裝

折糧索餐聚兵打官解三民糧修城民兵上城官兵出城

徭兵入城解四民辦民糧汝衛家鄉民兵無名蜂擁前當

撼山草堂遺橐 卷二

解五養兵衛民趣民衛兵民遇徭死兵逃徭生解六勝有兵

名死無民名兵出有名兵歸有名解七田化戰場妻化為

孀燒盡棟梁殺盡牛羊解八額征錢糧加派軍糧發財升

官善後賣糧解九

夜夜曲

一夜數夢君十年夢君萬萬回夢中歡不敵一回見不

嫌十年夢祝如一夜願但恐百年期徒成夜夜怨

擬遠望曲

日月出沒見天界但覺地小因天大如何終日登高樓
不見家山見天外同一日月挂天邊雨晴百里不同天
雲低遮近不遮遠遮卻家山近宛然

江南弄寄何積之

舟小如飄容一斛破帆風順勝一幅霧起月生風浪平
雲裏遊行花裏宿不羨樓船百尺高容易收腳藏蘆竹

楊白花

楊白花生在綺窗前西風吹汝飛下水東風吹汝飛上

掖山草堂遺藁

卷二

二

天飛上天吹去焉知不吹旋落水化帆上水難憐卿身
輕不自惜拋與兒童閒捉搦

擬空城雀

空城雀在近官倉將餓死農夫買穀賣與官不見官銀
見官紙年年輸穀似精衛填倉竟與填海比海有涯倉
無底

行路難

君不見黃犢犁田及春早馬倉稻梁牛倉草一身辛苦

有誰知世上榮枯任顛倒萬物各自隨化工有用無用
命不同富貴一求豈能至胡爲不樂如秋蚤

君不見江邊釣叟持長竿釣魚不在疾水灘疾水灘頭
魚不在垂綸須向清泠潭人生在家顏色好出門一步
顏色老懷王朝秦身不歸田橫降漢失孤島

君不見山中出泉山下流分爲兩水隔一溝東西一去
幾時會腸斷嗚咽憶隴頭山中松柏一千年此心不動
身不遷鄴侯與人家國事空負少年學神仙

撼山草堂遺藁

卷二

三

君不見樓頭青青春樹葉風雨落地化蝴蝶草底游蕩
花底眠春是主人秋是客京洛風塵化衣色少年雲髮
白如雪人生世上在夢中眼中冰冷心中熱

君不見兒童翦紙作美人弱縷一絲絆其身虛空豈有
住足處欲落不落侵風塵今人古人各歎息憔悴榮華
共消歇秦皇學道無崆峒渺渺三山望不極

君不見破瓶汲井空用力水底撈月終無得對酒各自
說肝腸別後肝腸向人說居人采葵夕陽天行人醉倒

旗亭前相約定有相逢日只恐相逢愁不眠
君不見山下樵斧磨成針山頭潤雨精石穿人心之隔
一萬里此別會須三千年大海之深舟能渡泰山之高
車能去世事風波無定期一身顛倒是行路

荅友

交盡天下奇男子游徧天下佳山水看盡長安春月花
飲徧成都賣酒家人生莫作五侯鯖縱有百舌夏無聲
人生莫作江南橘丹朱入墨終成黑安心賣卜與賃春
撼山草堂遺藁卷二
四
自古貧賤多英雄雖言同生天地內爾我榮枯同不同
世事羞貧還賤少安得如心致身早春風紫陌悵冶游
秋來刈穫悲衰草

鷓子巖大風

黑雲蟠空龍躍躍天半如挂龍兩角龍口噓氣閃閃光
鷓子巖前大風作捲起江流倒西北復摧雲陣東南落
中流爭戰勇匹敵船如浮空水不著篙聲櫓聲響拉雜
挂帆收帆呼駭愕一船乘風湧上灘水猛推之縱大壑

一船順水急下灘風力障之上水泊舟子祈神拜向天
責客慌忙催開腳汝愛行路方行船道是我錯還汝錯

岳陽樓

危樓下根無底水飛簷上攀白雲端欲沈不沈金鼉湧
欲去不去鐵鎖牽五嶺蠻煙復峒雨日夜滔滔無窮已
以三納七沅資湘會作全湖八百里岳樓跨城城跨湖
湖水嚙城浮草廬雨微沫點青日斜濤深翠風震雷霆
威電掣蛟龍轡若非神仙醉未醒勢挾樓飛聳雨翅須
撼山草堂遺藁

卷二

五

史復霽景鮮妍樓安似乘釣魚船水平疑地盡雲散見
天全濛濛元氣合莽莽乾坤連君山隱約湘君立螺髻
旋青微帶偏草鬆鬢生霧樹動衣裊煙太陽忽見中流
沒波底閃閃湧明月如聞古瑟鼓雲和一曲歌成天欲
白湖中艇似鷗卻望湖上樓是時湖波木葉下鐵笛龍
吟雁叫秋我欲直上衡山九面頂山中宰相芋未盡出
山歸山事兩難山上老僧應見晒九疑連綿深復深蕙
蘭馥郁芷芳馨樓上倚欄望不極湖水東流是寸心

夜行耒陽山中

地何不生水莫生山天何不生日休生月無山使我舟
到門無月使我夜休息亂螢熠燿引我行殘星隱約明
前轍忽然寒雲四沈沈半空羣峰出復沒颯颯秋風從
北來萬馬奔騰挾戈戟似有大物橫行向我前冷氣侵
肌豎毛髮樹頭窳率竹陰森細雨霏微時點額草蟲唧
唧與我說勸我今宵且暫歇我欲沖霄無羽翼罔罔迷
途至此極此時何處堪駐足欲停不停停豈得我是鍛

撼山草堂遺藁

卷二

六

翻遠歸人皇天何忍再顛蹶

醴陵李少尉祠爲楊劍樵作

流水溝敗黎平亾理靈坡高江門死南岳七十二芙蓉
片片秋風落湘水醴陵邊縣一彈丸縱有英雄徒拊髀
李公北望涕淚揮孤城少尉一人已海竭山崩何處逃
獸腐魚爛長已矣孤城力盡以身殉一子從亾年幼齒
誓從地下見先皇殺賊報仇爲厲鬼死忠死孝一家人
不愧三百年養士是時戚畹武安侯屈指某某皆清流

受恩視尉孰深重報國乃在小臣儔二百年來姓名滅
一朝奮與邑人說守土還須作土神不出縣尉二門闌
可憐少子武當山不死不生心腸熟有客遨遊古寺前
聞說坐化一眞仙問之自言李公子此後開口還年年
劍樵縣尉公後進爲公峻祠徵雅詠我聞此事長歎咨
不獨爲公抱遺憾前明亦有死危城半受 聖朝褒

榮恩李公久久事乃白幾令鄉里忘其名我作公詩笑
不瞋不食金剛不壞身無傳翻爲不朽人身死尙畱不

撼山草堂遺藁

卷二

七

死神請看史傳誰二臣

懷古

男兒只合少壯作英雄不爾瓜蒂噴鼻艾炷胸屈死女
兒手中一慢事安令見笑老大空龍鍾貧不願作淵明
乞食詩賤不願學昌黎三上宰相書功成不合卽歸去
鄴侯退隱衡山廬柰何重出作司馬坐守宰相如守株
神仙不神尙如此何況昏昧若尪巫少賤艱難出深計
老至耄及智反愚吁嗟乎戲撞頭上難爲趨慎勿睡失

驪龍珠

何積之送予風溪不及題詩旅店以示

歸人欲歸還惜別風霜滿眼馬蹄疾斷猿寒雁警秋空
野火疎星亂村夕我歸君送六十里瞻望弗及仍相失
旅舍無酒溪蕭瑟風動殘燈半明滅耳邊有人話疇昔
細聽方知蟲唧唧南轅北轅兩歸轍人心非隔山水隔
但使兩心無阡陌別久愈知情更結一聚一散何足說
君更來時看題壁

臧山草堂遺藁

卷二

八

湘江夜泊

今年獨過湘江水去年弟兄同宿此九嶷明月話平生
半夜寒濤打船尾舊遊南望境依然雨狹煙猿水拍天
月色濤聲更如夢何須憔悴問流年

撼山草堂遺稿卷三

郴州陳起書通甫

五七言近體

送廖春泉北上

天涯萬里路去去汝辛酸身賤知名少途窮欲哭難江
春因客晚鄉雨別人寒我亦將行役臨流一浩歎
與君同志節憂患幾消磨歧路今朝始離筵醉後歌道
長心力遠言少淚痕多用舍尋常事天寒卻柰何

撼山草堂遺稿

卷三

一

柳州灘

客途兼病意落拓此空還家近親知切舟危舉動艱帆
高愁幃月灘險恍踰山野泊今何處崇巒幾十巒

答黃震甫

今年踪跡吾難定欲向湖邊采芰菱家近有時如作客
僕逃無計且依僧因予古寺思兄弟知汝深山望友朋
天地秋風須釀酒吟詩聊復伴孤燈

潭州留別黎月喬徐石泉羅研生

思家望遠雁傍徨上下湘江幾雪霜此別三年方會合
將離先日已淒涼風如失意帆愁重樹解傷秋葉早黃
短布單衣過夜半湖樓新月對杯觴

阿兄交友半湘隄兄別還尋兄友來常得聯床聽夜雨
不須看劍怨塵埃澆愁有酒壺防盡話舊無詩笛助哀
冷月淒風舊吟處成連一去隔泉臺

希濂死
七年矣

儒冠樵屨釣魚衣如此行踪無是非偶爾棧驢經雨病
幾曾簷鳥愛風飛科名路窄毛錐賤文字功多竹帛微

撼山草堂遺藁

卷三

二

老把長鑿鋤遠志家書況已寄當歸

詩人蒼昊例飄蓬醉酒行歌今古同燕不留人秋已晚
花無送客樹多空孤楂浩浩凌蘆葦別路蒼蒼入雁鴻
七十二峯九千丈冢山南隔雨冥濛

野泊有感

沙塵猶在舊征衣前後思量事事非秋盡漸無腸可斷
葉稀仍與夢同飛逆風古戍爭船泊落日寒鴉喚客歸
此去應忘行路念北湖先占釣魚磯

甲午夏日感事

雪霜水旱與干戈南北東西事漸多天意好生方致殺
吾儕對酒忍高歌時窮誰有安危志患至猶從醉夢過
世上醫心真少藥旁觀惟是喚如何

城居楚尾三湘遠地近粵中萬里高千里運糧前路截
一旬避谷小猿號同茲疆域同茲命各有官司各有艘
觀察如何觀目下醫瘡剜肉到吾曹

鼠爲飢貓作爪牙公然水母目如蝦數傳九九從人賊

撼山草堂遺藁

卷三

三

船泊三三列陣遮若有心肝應墮淚生來桃李解開花
巡政乘風鬧晚衙

四十萬人五千穀三朝權救一時窮米搬百里重重阻
法設千端步步空無計可施惟痛哭有冤難訴怨蒼穹
如何造物全無事不降甘霖只有風

寄兄雲心

三年之別五千里一日欲呈千萬言事雜信忘難讀句

夢驚涕賸乍醒痕親知漸有凋零憾

謂灌花老人
蕭堂叔

朋舊

猶縈憶念魂重複家常與僕語知君深夜定詳論
民盡困窮籌運米家隣楚粵備邊防飛鷹上下窺門戶
饑鼠縱橫走道旁賞罰無端眞善後雨晴偏廢此穹蒼
憂時自是書生癖年少長沙不自量

題寄瓦雲心信後

離情漸比暮雲多歸雁春來又渡河書恐中沈三路寄
詩因代語四聲訛時清空自傷懷抱年少何曾怨坎坷
只有相思心不盡無聊信後一高歌

城山草堂遺藁

卷三

四

和黃正夫野宿英德城外用東坡除夜野宿常州

城外韻

橫天虹氣夜堪悲日落虞淵光漸微陸海無根誰立足
家貧有路汝遲歸軍書幸喜傳聞少遠道休言會面稀
如此亂離如此別短刀作客慎因依

百粵干戈兩歲徂窮途端莫怨征途江中擊楫舟危舵
野外避兵桃作符鼓角何妨鍊肝膽風霜勿令染眉鬚
阿兄阿弟天涯外望遠思歸大小蘇

擬從軍行

大將功多膽氣橫，萬人一半向焚坑。
鬪體自死營中火，莫向沙場怨敵兵。

漢家公主和番去，不值金錢百萬強。
聞說買降新策好，鬪體今免葬沙場。

萬乘千騎出海濱，單于不見馬蹄塵。
羌人不反南人反，殺盡南人當敵人。

登樓

撼山草堂遺藁

卷三

五

岸上飛蓬沙外鷗，丹楓紅柿白蘋洲。
重來喚渡經年別，一樣懷人兩地愁。
風景已非曾對酒，江山如舊獨登樓。
樓頭落日欄邊水，不少西歸如葉舟。

新秋懷兄筠心

涼雨吹人酒易醺，暮鐘墮水思紛紛。
新秋漸冷衾先覺，古寺多愁漏不聞。
憔悴半生妻與子，艱難行路我憐君。
茫茫但有家書去，知隔燕雲望白雲。

巖桂經霜似欲花，今年秋思興無涯。
南天北地孤飛月，

燕去鴻來兩處家
萬里夢魂行不遠
一秋書信到應賒
鹿泉時自兄所歸歸路瀟湘水
雁叫猿啼落日斜

秋雨懷兄筠心

蕭寺思兄念念清
當杯不醉雨多情
難眠方覺終宵冷
久坐始知秋氣生
簷滴有心催漏點
林風何事咽蛩鳴
家書一幅重重寫
多恐行人又緩行

瓦市送兄筠心北上

一度登舟一夢驚
浮生強半逐征程
此時更念昔時別
城山草堂遺藁
卷三
六
送者欲隨遊者行
君向風塵染衣色
我從夜雨數更聲
故人多抱纏綿意
不及同懷萬里情

與婿鄧承夫論平吳逆事

騎田嶺阨似鴻溝
誰記平藩控上游
間道從吳鎮全楚
屯兵守險取衡州
何曾賊陣真蛇鳥
始悟同槽是驥牛
拋卻地形山勢失
空貽婦孺守城憂

賊放州收出招降路遇有感寄張永言

同槽牛驥戰心消
豈是虛文誤
聖朝未必國威能有

損須防軍氣漸成驕避兵身老真無策偕隱言虛誰見
招安土難遷思守土崇山避亂馬蹄遙

由觀音寨移避大頭隴寄弟葵心長沙

連天烽火起埃塵荆棘叢中伏幾旬路隔干戈歸夢阻
心驚鼙鼓徙居頻不應大塊難容我已入深山尙畏人
自笑老來攀絕壁化猿嶺微石磷磷

思歸

隔江烽火照征衣驚定重驚心力微秋在異鄉容易老

臧山草堂遺藁

卷三

七

家餘四壁更思歸湘流如帶連天遠蓬轉無根帶夢飛
去住思量都未可天涯何處得因依

避地山中送人歸粵

烽火縱橫滿地飛粵西又報已重圍干戈未卜從何避
老病那堪送客歸道上忍看兵死骨秋來惟賸別家衣
鄉園我亦天涯遠不爲離情淚暗揮

鄉勇

湘水無端湧怒濤軍中縱酒正持螯長沙若果能憂國

楚客何煩更讀騷豈有奇才遺草澤誰從相馬問皮毛
思量三戶英雄在落日悲歌太白高

避兵寄內弟翁雲台

長汀破竹三千里嶺徼奔鯨數十城縱虎出山難阻遏
引狼入室任縱橫無門投足悲張儉有路皆歧哭步兵
險要不知誰是守累儂何地保殘生

八月十二歸家紀事寄弟葵心長沙

眼見歸民似馬奔信傳賊退到山村饑寒肉盡惟存骨
城山草堂遺藁

卷三

八

烽火垣頽那有門舊蓄早隨雞犬盡秋糧新返吏官尊
城池收復依然在只聽詳功軍政喧

賊退有感示弟葵心

妖氛倏忽兩三秋賊退官來不自由已脫皮毛又奔走
只餘灰燼尙徵求蛙鳴不競公私竭虎食難堪大小愁
忘我饑寒哀路殍民心誰識早宜收

歸家卽事寄黃誠齋

故園風景野淒淒被空歸日已低江岸旬餘斷帆影

山城夜半歇猿啼
笳聲吹得髮如雪
烽火燒來面盡薰
大帥深林幾回遇
憐渠健馬破游蹄

歸家與友人夜話

一年山裏伴猿猱
租吏同歸兩緼袍
故友相逢驚尚在
角聲警夢寤猶號
隣家乞米敲門久
廢圃求薪挫樹高
聞說南天烽火急
怨誰養得綠林豪

感事四首

穴壤牆頭咎是功
未聞備盜向簾櫳
乍驚蛇鬪來門外

撼山草堂遺藁

卷三

九

不信角鳴從地中
白刃飛來真驟雨
浮橋亘處似長虹
何人識得長沙略
狂寇如雲散滿空

上游形勢武昌雄
楚粵干戈一月通
法有喪師誅馬謖
書傳後至戮防風
翻成衛足諸侯畧
不見佳兵大將功
茂草深林歎顛蹶
從誰高臥話隆中

洞庭湖下大江東
黃鶴樓邊破浪風
儘有龜蛇愁失水
依然鸚鵡竟飛空
沈舟往事功難問
鐵鎖思來計亦雄
采石石城爭戰處
可憐天塹渡艨艟

地備雄關歎幾多渡河誰肯喚防河老思阨塞山兼水
病爲憂天哭當歌赤子弄兵原盜賊白衣搖櫓慎風波
荆襄豪傑今仍在拋與黃巾可柰何

臧山草堂遺稿

卷三

十

撼山草堂遺藁

補錄

追次先兄用曹植贈白馬王彪韻

同袍三四友其人皆已陳精靈不能昧泉下結德隣氣
歸天地初跡舍骨肉親螻蟻葬同巢含土朝夕勤相過
爲徘徊微生尙志仁何況爾我情安能不酸辛

金剛質不壞斯語吾亦疑成虧由天心賦性不可欺子
然吾一身伊誰爲扶持梅開霜雪中榮落介茲時花榮

撼山草堂遺藁

補錄

一

悼葉落空此歲寒期夢寐在我側豈云從此辭

原作

與女別雙親我心爲煩紆阿月穉且頑獨奉父母居
今當舍我去更與他人俱茫茫異鄉縣摻袂在中衢
不歸念晨昏竟歸于汝疎去住難爲心徘徊以踟躕
吾宗古有虞受姓別爲陳恭惟瀉汭間皇英結德隣
異地連理枝何殊骨肉親相勗亦何言萬言不如勤
慎勿懷與安但如婦人仁僮俛纘前徽長歌念艱辛

途中聞鴈

飛鴻爾向嶺南去我家騎田嶺上住屋前稻梁八九坵
園後丹楓三五樹有人依門倩寄書且作長途頓宿處
天晴風利或難泊橫空鴈字寫兩句不然嘎啣嘖幾聲
縱使深宵夢亦寤明春北歸必重過我儲魚鰕當不誤
只恐民隨官潛逃五嶺賊來兵馬駐我歸爾歸都無路

粵西賊竄永州

蠻女猺童變亂多養癰貽患奈渠何蛇從捕後誰能說

撼山草堂遺藁

補錄

二

狼是引來語不訛

永州常鎮

臨老上書嘗痛恨避愁無計況

干戈斷藤應考韓雍跡練勇陶公奏凱歌

壬子七月初三賊陷郴城逃難九里山寄弟葵心

貔貅十萬亂紛紛隨賊步趨同駐軍草野叫闐心力竭
親朋避亂死生分戒心旋轉忙如磨趁路奔波湧似雲
一失地形城便破空愁內地盡妖氛

